



OPTICA  
menin

21





R3. 70

2

Prognosticon Astrologicum, oder Teutsche Practick

Auff das Jar / nach vnser  
Herrn vnd Seligmachers Jesu Christi Geburt  
M. D. XCV. Nach Erschaffung der Welt 5557. Auß der  
Planeten Lauff vnd Finsternussen / mit sonderm fleiß / doch auff das  
kürzst beschriben / vnd zu glückseligem Newen Jar dedicirt:

Dem Durchleuchtigsten  
Hochgebornen Fürsten vnd Herrn / Herrn Georg  
Friderichen / Marggrafen zu Brandenburg / in Preussen /  
in Steirn / Pommern / der Cassuben vnd Wenden / Auch in Schlessien / zu Jägerdorff /  
vnd ic. Herzogen / Burggrafen zu Nürnberg / vnd Fürsten zu Rügen ic.  
Meinem Gnedigsten Fürsten vnd Herrn / ic.



Durch M. Georgium Casium Rotenburgensem, Pfartherrn  
zu Burckbernheim.

Mit Röm: Rån: Man: Freyheiten / in Feis

**D**em Durchleuchtig-  
sten Hochgeborenen Fürsten vnd Herrn/  
Herrn Georg Friderichen / Marggrafen zu Bran-  
denburg / in Preussen / zu Stetin / Pomern / der Cassuben vnd  
Wenden / auch in Schlessien / zu Jägerndorff / vnd 2c. Herzogen/  
Burggrafen zu Nürnberg / vnd Fürsten zu Rügen / 2c.  
Wärem Gnedigsten Fürsten vnd Herrn.

**D**urchleuchtigster / Hochgebore-  
ner Fürst / E. S. D. sind mein andech-  
tiges glaubiges Gebet zu Gott dem  
Allmechtigen für derselben gute ge-  
sundheit / langes Leben / glückselige  
Regierung / vñ unterthenigste / gehorsamste / auch wil-  
ligste Dienst jederzeit bestes fleiß zu vorn: Gnedigster  
Fürst vnd Herr / diß herzu nahend 1595. Jar / wird  
vllen Leuthen selkham fürkommen / das wir im Alten  
Calender vnser Fasnacht / Ostern / Pfingsten vnd  
andere vorgehende vnd nachfolgende Sonntag / fünf  
wochen langsamer / dann die so den Newen Calender  
angenommen / halten / welchs auch ober 3. Jar auff  
das 98. geschehen wird / Vnd solchs kompt daher / daß  
sie im Newen Calender den ersten Vollmon im Mer-  
zen / da der tag kaum 12. stund lang worden / wir aber  
den folgenden im April betrachten.

Zwar das Osterfest hat im alten Testament auff  
den Vollmon / nechst dem Equinoctio oder gleichtag im  
Früeling

Früeling müssen gehalten werden/darumb dann die  
Finsternuß der Sonnen/so zur zeit des leidens Chris-  
sti eingefallen/wider die Natur vnd Ordnung des  
Himels lauff gewesen/sintemal alle SonnenFins-  
ternüssen im Newmond geschehen/1c. Solchem Ge-  
setz aber vom Osterfest/wie auch allen andern Jüdis-  
schen Ceremonien/sind wir im Newen Testament  
nicht unterworffen/dann vns Christus vom Gesetz  
Mosis befreyet hat/1c. vnd haben nun in vielen hun-  
dert Jahren/das Osterfest nicht eben(wie die Juden)  
auff den Vollmon/sondern den Sontag hernach/iezt  
im Merzen/bald im Aprilln/nach desmonds lauff  
vnd jährlicher enderung gegen dem lekten viertel zu  
gehalten: So man doch wol auch diesem Fest einen  
gewissen beständigen tag im Calender hette geben  
können/wie andern vn beweglichen Festen vnd Feyer-  
tagen/als Pauli bekehrung/Diechtmess/Maria ver-  
kündigung/Georgij, Philippi Iacobi, Iohannis Baptiste, &c.  
item der Christag hat/es were gleich im New oder  
Vollmon/ersten oder lekten Viertel gewesen.

Christus vnser Seligmacher hat am Kreuz ge-  
lidten/Anno 33. 3. Aprilis/wie die gülden Zahl 157  
der Sontags Buchstab D. vnd Astronomische recho-  
nung außweisen/vnd nit/wie es jr viel darfürhalten  
25. Martij: Als Oswaldus Schreckenfuchsius in  
seinẽ Dialogo de 7. Calendarijs beweiset/vnd dessen auch  
Herz N. Heinrich Bünting im 2. theil des Keyser-  
buchs ober das New Testament fol. 52. gedenckt: Vnd

dennoch fellt selten/so wol nach dem Newen als dem  
Alten Calender /das Osterfest eben diesen 3. oder 5.  
Aprilis/sondern entweder zuuor oder hernach ein/12.  
Darüber man sich nun etlich hundert Jar gezanckelt/  
vnd ist noch deß disputterens kein end /auch vnter De-  
nen / so den Newen Calender vertheidigen / wie die  
Apologia Christophori Clavi J Iesuitæ zu Rom gedruckt/vñ  
die Ephemerides Iohannis Magini 12. vom künfftigen 98.  
Jar bezeugen / da sie ihr Ostern 22. Martij halten  
werden/vnd doch der Vollmond erst vmb 10. vhr gar  
zu Abend einfällt 12. Also einig vnd gewiß sind sie/das  
der Schuler darff den Præceptorem repræhendiren 12. da  
von ich andere disputiren lasse. Hat aber nun das O-  
sterfest also lang vom 22. Martij bis 25. Aprilis hin  
vnd wider gewancket/so mag es völliig also hin vñ  
her wancken bis an jüngsten tag / vnd wir vns / nach  
der lehr Pauli Colos. 2. kein gewissen ober bestimpte  
Feyertag oder Newmonden oder Sabbather machen  
lassen/es falle gleich vnser Ostern gerad auff den voll-  
mond mit den Juden/oder ja hernach vmb das letzte  
Viertel ein/da ligt nichts an. Allein zubeforgen / die  
im Newen Calender werden in disem 95. Jar / das  
Teutsche Sprichwort auffheben / da man sagt: Zu  
Pffingsten auffm Eiß / daß noch wol vñ gedachte zeit  
in iren Pffingsten reiffen vnd eiß an vielen orten sich  
erzeigen möcht/12. Wie wir nun in Feyertagen nicht  
zusammen stimmen/ also zu vermuten / das die Herzen  
vnd Gemüter zwischen vns vnd vnserm gegentheill/  
ja viel



ja vil mehr der gemeine Mann oder vnterthanen wi-  
der ire Obrigkeit je mehr vnd mehr zertrennt/bestärkt  
vnd erbittert möchten werden / Dann die Constella-  
tion auff künsttliches 95. Jar auch wunderbarlich vnd  
widerwertig/nicht allein des<sup>r</sup> h vnd<sup>z</sup> halben inn zeta-  
chen Q vnd  $\equiv$ /so im Herbst vnd Winter noch dieses  
94. Jar einfällt/dergleichen in 60. Jarn nicht gesche-  
hen / seit man 1535. gezelt/vnd dan zuuor Año 1476.  
1417. 1300 zc. vnd der hohen Potentaten in Geistli-  
chem vnd Wellichem Regiment / vneinigheit vnd  
mißtrawen zc. bedeyt: sondern auch vmb folgender  
opposition h vnd  $\gamma$  willen im Fröling/welche der A-  
strologen Lehr nach erger ist/dann dieser Planeten zus-  
samen sätzung/vnd grosse widerspenstigkeit der Vn-  
terthanen wider die Obrigkeit/auch sonst ein Tumult  
vnd Lermen vber den andern / ja des Türcken einfall  
vnd grausame Tyranney/neben schrecklichem vnges-  
witter verkündigt.

Der Edle Cyprianus Mathematicus hat vor der zeit  
in seinen Ephemeridibus geschrieben/diñ 95. stime sehr  
in der bedeutung mit dem vorgehenden jekt lauffen  
dem 94. Jar vber ein / dieweil die geschene Finster-  
nussen ire wirkung noch nicht vollbracht / zc. Ja es  
verkündige darüber stete vnruh vnd vil Lermen/Auf-  
rühren/seditiones subinde existent, vnd das die schätz o-  
der Vorrath am Gelt sollen erschepff/thesauri exhauri-  
entur, vnd das vil hefftiger Krauckheiten die Leut plas-  
gen werden / fürnemlich gegen Nidergang der Son-

nen / Eröwe auch einer hohen Weibsperson / Fürstin  
(ja Königin) vnd effoeminato Principi, paupertatem, depref-  
fionem & exilium, &c.

Georgius Vrlius hat auch vor vielen Jarn sein vr-  
theil von disem 95. mit folgenden worten an tag gebē:  
Dises 95. Jar wird ein nasses vnd feuchtes Jar sein/  
welches den wachsenden Früchten nicht fast bequem  
sein wird / aber die Garten Früchte werden besser ge-  
rahten / vnd das Viehesutter wird gute wachfung ha-  
ben / also der Wein.

Die Thewrung wird noch hart anhaltē / vnd wer-  
den vil Seuchen vnd Kranckheiten regieren / vnd sär-  
nemblich wird das tägliche / dritt vñ viertägliche Fie-  
ber sehr gemein sein / auch die rote ruhr / geel vnd was-  
fersucht / Bauchgrimmen vnd Magenwehe / 2c. Der  
Krieg wird noch kein end haben / die Böhmen / Bel-  
schen vnd Sachsen / werden sich solches oben im 94.  
Jar angezogenen vnglücks noch hefftig zubeklagen  
haben / 2c.

Was den Türcken betrifft / hat D. Luther heiliger  
Gedechnuß vorlangst prophecenet in der Hauspos-  
till ober das Euangelium am 10. Sontag nach Tris-  
nitat. Weil Gott auß sondern gnaden vns heutigs  
tages mit seinem Wort hat heimgesucht / wir aber zu  
beiden theilen vns sehr vbel dagegen stellen / die Bisch-  
offe verfolgen es / Wir missbrauchen es zu vnserm  
Geiz / Hoffart vnd andern Sünden: so besorge ich  
Teutschland werde eigentlich ein grosse Schlappen  
leiden



leiden müssen / es geschehe gleich durch den Türcken/  
oder sonst durch Krieg / Hunger vnd andre plagen ic.

Vnd ober das Evangelium Domin: 23. Vnrecht  
dünccks vns sein / weil der Türck erger ist denn ein  
Hende / das er solche grosse Sieg wider vns Christen  
haben soll. Aber lasset vns nicht sehen wer der Türck  
sey / sondern wer wir gegen Gott sind / so findet sichs /  
das vns nicht vnrecht geschicht. Warumb halten die  
Papisten so steiff ober der Abgötteren / vnd verfolgen  
das Wort? Warumb bessern wir vns nicht / die wir  
das Evangelium haben / vnd leben wie es Christen  
wol anseheth? ic. Vnd was Teutschland in alles vn-  
glück bringen werd / mögen vnserer Widersacher / ja  
die Bischoffe selbst / in angezogener Predigt weiter les-  
sen ic. Summa Teutschland schwebet in grosser ge-  
fahr / darumb ist von nöthen / das man fromb sey vnd  
sich bessere.

Was dann fernner Gnedigster Fürst vnd Herr /  
mein bedencken vnd vrtheil von diesem 95. Jar sey / ist  
solches in folgendem Prognostico mit sonderm fleiss /  
aus natürlichen vrsachen / Historien vnd Erfahrung /  
ohn allen Aberglauben begriffen / vnd stelle es alles  
zu gelehrter verstendiger Leuth / die nicht auß neid o-  
der ehrgeitz ic. vrtheilen / erkantnuß / vnd bin bereit je-  
derman / der es begert / darüber rechen schafft vnd ant-  
wort zugeben / ja viel mehr begierig von andern zuler-  
nen: vnterthenigst bittend / E. J. D. wollen ihr solche  
in der warheit müheselige Arbeit / die wenig in die  
Käffen

Kuchen tregt / vnd darumb auch die verächter dieser  
löblichen Kunst lieber mit andern Practicken umb-  
gehen / die mehr eintragen / vnd nit veration / hohn vnd  
spott / wie vnns Kalender schreibern geschicht / wenn  
wir ein wenig fehlen / vnd nicht alles ihres gefallen  
treffen / mit sich bringen /c. Gnedigst gefallen lassen /  
vnd mich wie bisher geschehen / auch forthin vor allen  
verleumbdern vnd Feinden gnedigst schützen:

Der Allmechtige Barmherzige Gott vnd Vate-  
ter vnser Herr Jesu Christi / wölle E. F. D. vnd der-  
selben hochlöblichen Fürstlichen vnd Christlichen  
Gottseligen Gemahlin / meiner gnedigsten Fürstinnen  
vnd Frauen c. Auch dem Wolgebornen Grafen vñ  
Herrn / Herrn Wilhelm Grafen zu Mansfeld / vnd  
Edlen Herrn zu Heldringen / meinē gnedigen Herrn /  
samt allen trewen Rāthen / Amptleuten vnd Die-  
nern / In gemein der ganken Christenheit vnd vns al-  
len / ein glückseliges Jar bescheren vnd verlenhen / bey  
seinem heiligen wort vnd gnedigem friede / in warem  
Glauben vnd gutem gewissen erhalten / vns segnen /  
für Krieg / Blutvergiessen / des Türcken Tyrannen /  
Thewrung vnd Pestilenz / vnd allem Herckenleid be-  
hüten / Amen.

E. F. D. als meinē gnedigsten Fürsten vnd Herrn  
mich hiemit zu gnaden vnterthenigst befehlend. Da-  
tum Burchbernheim / 15. Julij / dises 1594. Jars.

E. F. D.

Vnterthenigster vnd gehorsamster  
M. Georgius Cassius,  
Pfarrherr daselbst.

# Von den Vier vnter

schiedlichen zeiten dieses

1595. Jahrs.

I.

Vnd erstlich vom Winter.

**D**er Winter fehet an mit dem neuen Vrecht/  
so vmb zehen auff der kleinern Vhr/ kurz vor Mits-  
ternacht/ 1. oder 11. Decem. dieses zu end lauffenden  
94. Jars einfelle/ als der 21. grad des Zeichen Stiers mit  
dem Sibengestirn im hohen Himmel vnd das end des Löwen  
in horoscopo. &c. Jupiter Regent dieses Newmonds ist im  
6. Hause der Kranckheiten/ vnd wird vom Saturno im Zei-  
chen Löw/ auß dem 12. Hause der Trübsal/ Feindschafft vnd  
Widerwertigkeit/ durch einen gegenschein/ Item vom ges-  
vierten schein Martis in scorpio angefochten/ Bedeut an-  
fenglich ein vngestümme/ sehr vnlustige vnd widerwertige  
zeit/ vbrig feucht/ von vilem schne oder regen vnd gewässer/  
oder böse nebel/ ganz vngesund/ das es viel francke Leut/  
grosse vnrhy vñ Lermen/ oder schwere Rathschläge/ ja auch  
Erbidem/ Donner/ Blitz/ vnd Wunde z. icken gibt/ wie bald  
6. 7. 8. 9. 10. Decemb. zu erfahren/ da vil böse Aspect einfallen/  
im Schreibkalender verzeichnet/ sonderlich der gegenschein  
Saturni vnd Jovis in dem 25. grad der Zeichen Löw vnd  
Wasserman/ vnd Mars in dieser beyden gevierten schein im  
Scorpio. Welche Aspect vil tage ihre Wirkung haben/ vnd  
nichts guts/ sondern vnter andern erzelten zufällen/ auch  
grossen streit vnd zancf vnter den Geistlichen vnd Weltli-  
chen Potentaten/ verkündigen.

Dergleichen gegenschein h 4 gewesen 3. Januar. Anno  
1535. da die Pestilenzische feuche hart angehalten. Item  
Anno 1515. da Mars auch also wie jetzt/ seinen Lauff ges-  
habet/

B

habt / ist gar ein linder Winter gewesen / vnd hat die Pestilenz in Thüringen / Meissen / Sachsen / Hessen /c. hefftig regiert / vnd viel Volck's hinweg genommen.

Vnd dergleichen gevierten schein h<sup>o</sup> haben wir Anno 1564. 11. Novembris gehabt / da etlich tag zuvor vnd hernach ein sehr ungestümes gewitter von Winden vnd schnee gewesen / darcin es bald geregnet / das die Wasser an vielen orten sehr groß worden /c. Wie die Mansfeldische Chronick außweiset.

Ein solcher gevierter schein ist auch gewesen Anno 1534. 19. Octobris / vnd im Jar 1506. 7. Octobris /c.

Item: dergleichen quadratus Iovis vnd Martis in zeichen Wasserman vnd Scorpion war den 5. Febru. Anno 1559. Vnd 18. Septem. Anno 1523. kurz vorm Bawrnkrieg. Ein jeder verstendiger kan der sachen selbst weiter nachdencken.

Donnerstag vor Lucia den 12. oder 22. Decemb. kurz / nur 35. Minuten / vor Mittag / tritt die Sonn in den 1. puncten des Zeichen Steinbocks / da der kürzte tag vñ lengste nacht Als der 22. grad des Schützen im hohen Himmel / vnd der 11. grad der Fisch im auffgang / Saturnus im 6. Haus der Kranckheiten / Mars im 8. des Todes /c. Jupiter / wiewol mit ♀ im 12. Haus / jedoch Dominus medij coeli & Horoscopi, vnd geschwindes Lauffs / behelt das Regiment mit dem Mond im ersten Hause / in trigono Solis, verkündige einen linden oder feuchten vnsteten Winter / temperirter kält / wie auch dem Monschein nach Anno 75. geschehen / das / ob es sich wol je zu strenger kälte 12. 14. solte anlassen / wird es doch im anfang keinen bestand haben / wie weiter vmb den Volckmon 16. 17. zwerfahren / vnd nun auch der gegenschein Saturni vnd Veneris in Zeichen Löw vnd Wasserman 18. 19. herbey kompt / mit ungestümen Winden vnd schne / in warmen Ländern Gewässer / welches auch den 20. 21. die zusammenfügung 4♀ zuver stehen gibt. Dergleichen Coniunction in disem Zeichen Wasserman geschehen / 10. Febr. Anno 59. vnd 11. Decembr. Anno 70 /c. vnd ein lind feucht schneetter

wetter etlich stund mit sich gebracht/ist doch in gemein kalt  
blieben. Derhalben da es gleich jetz auch der Jarzeit vnd  
Sonnen lauff nach solte sehr kalt sein/haben doch die andern  
Planeten auch ihre krefftige Wirkung/das sich das Wetter  
offt stößet/vnd je linder wird/wie jetz vmb Weyhenachten  
bey dem zurück lauffen Mercurij/vnd das diser Planet bald  
nach der Sonnen mit dem hellen stern in der Mitternächts  
sehen Kron 2 2 natur/ vntergehet/ zuerfahren / ohn zweiffel  
windig vnd vnstet mit schnee/ sonderlich 27. 28. Decembr.  
Bald widerumb kalt auff das New zu end dises Monats.

### Januarius/ Jenner.

**I**n disem Monat waiff ich keine sonderliche verend  
rung/halte mehrertheils auff ein bestendig kalt/doch  
temperirt wetter/ mit schnee/ 3. 4. 5. dem Monchein  
nach/vnbestendige/leidenliche kält/ darbey sehr windig mit  
schnee/regen vnd etlichem gewässer vermischet/ wie Anno 76.  
vor 19. Jarn geschehen/ vnd jetz vmb das erste Viertel/bey  
dem Sextilschein 2 2 9. 10. 11. 12. zuerfahren.

Temperirt vmb den Volmon/ da Mercurius directus  
wird/ doch die Kält mehret/damit auch der Triangelschein  
h 7 in zeichen Löw vnd Schütz stimmt 17. 28. 19. aber leicht  
vngestümte Wind vnd Wunderzeichen mit einfallen können.  
Dergleichen Aspect gewesen 1564. 22. Decemb. da die kält  
groß vnd bestendig war. Im Jahr 1516. da Mars seinen  
lauff im Zeichen Schütz gehabt/ wie jetz/ ist den ganzen  
Jenner ober so schön wetter gewesen/ als es nach Ostern sein  
können/ darüber das sterben nicht ab/sondern mehr zuge  
nommen hat. (Saturnus war auch im zeichen Schütz bey  
Marte, jetz im Löwen.) Ferner 24. vnd 25. Pauli bekehrung  
lind zu schnee geneigt/doch temperirt/windig ic. Aber sehr  
Winterisch vmb das New zu ende dieses Monats/ da die  
Sonn dem feindseligen kalten Saturno entgegen kompt/vñ  
etliche trübe tage/ ja ein dusam/gedufft/ vngesund Wetter  
oder dicke nebel mit zimlicher/ ja strenger kält vnd grossen  
schnee

schnee verursache/ auch gern Wunderzeichen bringet/ wie vor  
2. Jarn im anfang des 93. vnd sonderlich vor 30. Jarn/ An  
no 65. 23. Janu. geschehen. Anno 1566. 6. Febr. vngestüme  
grausame Wind/ mit vielem Regen vnd grossen Gewässer.  
Dergleichen Oppositio ☉☽ auch gewesen/ 31. Januar. An  
no 36. vnd 23. Janu. Anno 1506 16.

### Februarius/ Hornung:

**S** Ad diser gegenschein Saturni zur Sönen/ hat etliche  
tag vor vñ nach seine wunderliche Wirkung mit vñ  
sterem/ ja vngestümen selzamen gewitter/ vnd gleich  
Aprilwetter/ von schnee/ Kiseh/ Sonnenschein 12. Wie den  
1. 2. 3. Febr. zuerfahren. Bringt auch Melancholey/ schwers  
mütigkeit des hertzen/ vnd andere gefährliche Kranckheiten.  
Venus weicht den 4. in ihrem lauff zurück/ ist vnster/ feuchte  
vnd sehr windig/ wie auch den 5. 6. 8. bey dē sextilschein 4 ☿  
vnd andern Aspecten zuerfahren/ an etlichen orten gewässer/  
wo nicht bald den 9. 10 12. doch noch vor außgang dieses  
Monats. Umb den Volmon 13. 14. 15. 16. sehr kalter wind/  
vnd vnster Aprilwetter/ von wegen des gegenscheins ☿☽ 12.  
Da aber nun gleich die kält etliche tag/ welches bey mir dis  
putierlich/ anhelt/ ist doch jetzt abermals enderung vnd selz  
sam Wetter vorhanden/ bey der zusammenfügung 4 ☉/ vnd  
sextilschein ☿☽ 19. 20. zu frñ nebel/ bald sonnenschein/ schne  
oder regen/ ja Aprilwetter/ zu Wunderzeichen disponiert.  
Anno 83. 13. Febr. hat es noch kalten scharffen Wind geben  
mit sönen schein/ zu nacht schnee. Dergleichen Coniunctio  
gewesen 19. Febr. Anno 1512. vnd 24. Febr. 1524. im Bawo  
renkrieg/ 12. Also die zusammenfügung ☉☽ 23. Febr. ist auch  
temperirt mit sönen schein/ doch nicht on schnee vnd Aprils  
wetter/ ja auch zu nacht mit Feuerzeichen vnd starckē reiffen  
zu frñ/ wie Anno 87. den 26. Feb. geschehen/ Vnd noch wuns  
derbarlich wetter zu end disß Monats/ da neben der ☉ vñ ☽/  
drey Planeten 4☽ im 12. grad der Fisch zusammen kommen.  
Anno 83. ist bey dergleichen Constellation die kält blieben/  
aber jetzt hoffe ich sol es linder sein/ der schnee zerschmelzen/  
vnd

vnd dabey noch mehr schnee oder regen vnd Aprilnwetter/ ja  
gewässer geben/ vnd nach dem Sprichwort gehen: Mar-  
theis bricht alle Eiß/ Hat er keins/ so macht er eins.

### Martius/ März.

**M**it dem Newmon 1. Martij möchte ich den Fröling  
anfahē/ ist aber in vnsern kalten vñ noch mehr Mit-  
ternächtlichen Ländern zu bald. Vor 19. Jarn Año  
76. hat sich das New/ fast wie jetzt eingefallen/ mit Regens-  
wetter vnd starckem wind gar phlegmatisch vnd vngesund  
erzeigt/ ja dieser ganze Monat durch/ ist sehr vnbestendig/  
vbrig feucht vnd vngestüm gewesen/ aber dennoch zu nache  
schne vnd kalt/ wie jetzt auch kält den 2. 3. Mart. zusörchten.

Mars geht vmb dise zeit mit der Mitternächtlichen kron  
im 24. grad des Steinbocks 12. vnter/ mag ein kalt vnges-  
stüm Aprilnwetter verursachen/ darzu den 6. 7. verhilfft die  
zusammenfügung  $\odot$  vnd andere Aspect/ an orten donner/ wie  
12. Martij Anno 1591. geschehen. Summa kalt gnug/ sonst  
berlich die nacht vber hart gefroren/ vnd doch bey tag etli-  
che wunderliche enderung. Vnd so viel vom Winter.

Job 37. Von Mittag her kommet weiter/ vnd von Mitter-  
nacht kälte/ Vom Athem Gottes kommet frost/ vnd groff  
Wasser wenn er auffthawen lest.

## II.

### Vom Fröling.

**D**er liebliche Fröling sahet recht an/ wann tag vnd  
nacht in der ganzen Welt gleich werden/ mit dem  
eingang der Sonnen in den ersten Puncten des zeis-  
chen Widern/ welches in diesem 95. Jar geschicht/ den 11.  
oder 21. Martij/ ein halb viertel oder 7. minuten nach 3. auff  
der Kleinern vhr/ nach mittag/ vmb Vesper zeit/ als der 29.  
grad des Löwen in Horc scopo, der 19. des Stiers im hohen  
Himmel. Sind die Planeten all in verworffenen Häusern/ als  
3. vmb das 8. Hause des Tods/ Saturnus vnd der J vmb das

12. der trübsal/feindschafft ꝛc. vnd  $\gamma$  im 6. der Kranckheit/  
daß da/ob wol das Regiment Jovi zuzuschreiben/nicht viel  
guts zuverkündigen. Die Son zwar mit Mercurio sihet den  
Mond auff das glückseligst per trigonum, vnd Martem  
durch ein sextilschein an/aber der Mond ist vom gegenschein  
Martis angefochten/vñ eilet Saturno zu ꝛc. Schließ derhal  
ben/das wir ein wunderlichen widerwertigen vnd ungesund  
den Fröling haben werden / Anfänglich zwar im Merzten  
kalt gnug/ mit etlichen hellen tagen/ doch vnterlauffendem  
ungewitter/ Aber im Apriln/ungestüm/vbrig feucht/ mit et  
lichen grossen gewässern/ vñ hernach folgender schedlicher  
kält/Welches der Allmechtig Gott gnedig abwende wolle.

Insonderheit von etlichen tagen zureden/fellet den 12.  
Martij nemlich Gregorij/ der sextilschein  $\odot \gamma$  in der nacht  
zwischen 9. vñ 10. vhr ein/ist zu wunderzeichen sehr geneigt/  
wo nit eben dise/ doch vorhergehende oder folgende nacht/  
vnd bringt kält/nebel oder reiffen/bey tag vnbeständige son  
nenschein/gleich ein Aprilnwetter. Ein solcher Aspect/ebem  
auff disen tag/ ist gewesen im Jar 1516. da der Türck groß  
Glück vnd Sieg gehabt/gantz Egypten vnd Syrien/Jerus  
salem vnd das Jüdische Land/ wie auch seithero viel mehr  
Länder einbekommen/ꝛc.

13. 14. vnstet/feucht/schnee/wolcken: Also vmb den Voll  
mon 15. 16. 17. Aprilnwetter vnd kalt gnug/ sonderlich 18.  
19. von wegen des  $\Delta \text{h} \gamma$ : Hat sich zwar vor 30. Jarn (Anno  
65. 12. Apul.) temperirt/hell vnd warm erzeigt/ist aber nicht  
bestendig blieben/ sondern bald Regen vnd Wind erfolgt.  
Waisß ferner für mich etliche tag kein sönere verenderung/  
biß auff das new 29. 30 ꝛc. da beyde liechter  $\odot \gamma$  von  $\text{h}$  durch  
ein  $\Delta$  angesehen werden/welcher Aspect nicht bald on wol  
cken/kalten ungestümen wind/reiffen vnd Aprilnwetter ab  
gehet. Hoffe doch/ dieweil die tagleng nun herbey kommen/  
mehrtheils auff sönenschein vnd temperirt warm trucken  
wetter/ wie Anno 66. bey bergleichen trigono 4. Aprilis ge  
schehen. Anno 65. 20. Martij regen vnd wind/ꝛc.

Aprilis/



## Aprilis/ April.

**D**aber nun gleich das new sich wol anlezt/hat doch das gut wetter keinen bestand/sondern jertz bald im Anfang des Apriln/2.3.4.wird der gegeschein Mars tis zu Saturno im 18. grad der zeichen Löw vnd Wasserman volkommen/beyde im geviertenschein desmonds/welcher seinen lauff vnter dem Sibengestirn hat/ vnd solche Constellation ohn zweiffel vngewitter/schedliche Kält/oder ja vnges stümme wind/ vnd allzu vil regen vnd gewässer / mit hagel bringet ic. Dergleichen oppositio gewesen Anno 65.5.Mart. da es zween tag zuvor gewaltig angefangen zu regnen/ daß sich alle Wasser zum hefftigsten ergossen/vnd grosser schade an Häusern vñ andern gebäwen/ vnd an der Wintersaat geschehen/auch vil Menschen vnd Vieh vmbkommen. Von diesem vnd folgenden schrocklichen gewässer vnd vngewitter/ vmb Ostern den 21. Aprilis gemeldtes 65.vor 30. Jaren geschehen/ lise in der Mansfeldischen Chronick / oder Exempelbuch/ vom Schutz der heiligen Engel/ im 3. Gebot.

Ein solcher gegeschein ist auch gewesen Anno 35.9. Feb. da die Pestilenzische seuch an vilen orten hart angehalten. Item 1. Febr. 1507. da Keyser Maximilian wider die Venediger/vnd Sigismundus der König in Poln wider die Moscoviter Krieg geführt/auch der Wein vnd das Getreid an orten vom Hagel grossen schaden erlitten hat. Item/ein solche Constellation war im Jar 1477. da ein Comet erschienen / vnd Matthias König in Ungern / Oesterreich / vnd Steyermarc/biß ans Bayerland zerstöret/ vñ die Böhemischen Kron dem Keyser Friderich abgedrungen/vnd folgends des Jar die Türcken ganz Berndten verwüßtet.

Vnd dergleichen gegeschein Anno 1447. da Marggraff Albrecht der Teutsche Achilles ic. wider die Statt Fürnberg Krieg geführt/vñnd diese Landschaft sehr verderbet worden. Auch grosse vnruhe vnd widerwertigkeit in Thüringen/ Meissen/ Westphalen/ Sachsen ic. gewesen/daron in der Mansfeldischen Chronick.

Es bedentt diser gegenschein grosse Krieg/ Feindschafft  
vnd widerwertigkeit/ auch thewörung vñ sterben/ sonderlich  
in den Königreichen / Ländern vnd Stätten/ disen Zeichen  
Löw vnd Wasserman vnterworffen ic. Aber ich komme wis  
der auff das Gewitter.

Vmb das erste vierdel/ 7. 8. 9. kalter wind vnd vngewitter/  
von schnee/ Eiseln/ regen/ von wegen des gevierten scheins h  
zu 2/ darauff starcke Reissen vnd schedliche kält zu fürchten  
10. 11. oder ist sonst vnstet/ vbrig feucht/ windig/ Wie auch  
nichts guts bey der vberaus grossen Finsternuß desmonds  
zugewarten/ 14. 15. da eben h directus wird / vnd schedliche  
kält trowet/ wie leider mit der ☉ finsternuß 10. Maij dieses  
94. grosser schad geschehen/ daß an vilen orten das Korn in  
der blüet/ sonderlich die Weinberg/ grossen schaden gelitten/  
vñ auch jetzt zubeforgen/ das dise schrockliche Finsternuß der  
Baumblüe/ Weinstock vnd allem erdgewächs nicht nutzen  
werde/ sondern hinderlich vnd schedlich sein/ wie Cardanus  
legm. 7 aphorif. 109. & 110. lehret: Eclipses cum in fiorente  
tem arborem inciderint, eius fructus eo anno inferunt penur  
riam. Vnd zuvor Aphorif. 74. Eclipses in aqueis signis, ob  
imbrium abundantiam, & sterilitates & pestes portendunt.  
Ich hoffe aber dieweil es noch frü im Jar/ es solle die gefehr  
liche bedeutung dieser Finsternuß desto schwächer sein/ vnd  
gnediger abgehen. Ja es sollen die Reissen oder schedliche  
kält durch lauffende Wolcken/ Regen vnd Wind vertrieben  
werden/ wie den 17. 18. 19. in der Marterwochen des alten  
Calenders/ bey der 4 ♀ im 24. grad der Vischen/ vnd fertils  
schein ♀ 2 zuerfahren: Dann 2 vnter dem Sibengestirn mit  
täglich vnd in seinem Lauff zurück weichend/ gibt starcken  
Wind/ vil Regen vnd Vngewitter ic. Ist also zubeforgen/ es  
möchte an vnserm Charfreytag vñ Ostern / oder ja bald hern  
nach trawig gnug sein/ entweder schedlicher kält/ oder vbrig  
ges feuchten/ vngeschlachten wetters/ ja Erbidens halben.  
Gott der allmechtige wolle es gnedig hindern/ Wie dann je  
warne soñenschein vnd gute tag mit vnterlauffen werden.  
Aber

Aber da ist fast zu ende diß Monats 26. 27. vnd vmb das  
New 29. 30. noch diß vorhanden/ daß beyde Liechter Son  
vnd Mond sampt Mercurio im kalten Zeichen Stier/ in  
mansione humida, vom gevierten schein Saturni, der erst di-  
rectus worden/ vnd noch gar langsam in seinem Lauff/ auß  
dem 18. grad des Löwen/ auch in humida mansione &c. an-  
gefochten werden. Trowet entweder schedliche reiffen/ oder  
bringt kalte vngestümme Wind/ vnd an vilen orten/ Hagel/  
Gewässer/ Ist es warm/ so gibts doch Wolcken oder böse  
Nebel vnd Meelthaw.

Dergleichen Aspect gewesen 20. April. Anno 65. da es viel  
regen vñ gewässer/ auch doñer geben/ Davon in der Mansse  
feldischen Chronick/ oder Exempelbuch 2c. In diesem 94.  
Jar hat sich gemeldter quadratus Saturni Solis wol gehal-  
ten/ wie auch Anno 66. 4. Maij. Ein solche Constellation ist  
auch gewesen Anno 35. 15. April. Anno 36. 28. Aprilis/ vnd  
sind dennoch gute fruchtbare Jahr gewesen/ da sehr guter  
Wein gewachsen/ 2c. Darumb die hoffnung jetzt auch desto  
besser/ sonderlich dieweil der Mond im zunemen sein wirdt.  
Dem Monnschein nach solte es wittern/ wie Anno 76. vor 19.  
Jarn/ da der Aprill sich wunderbarlich erzeigt/ bald warm/ bald  
kalt/ vnd der Wein an vielen orten 18. 19. vnd zu end diß  
Monats vmb das New vnd 1. Maij zum andern mal fast  
gar erfroren. Das wir mit höchster andacht inbrünstig beten  
sollen/ das der Allmechtige barmhertzige Gott vnser gnedis-  
gich verschonen wolle/ vnd sich vber die armen Zecker erz-  
barmen 2c. **D** HErr handle nicht mit vns nach vnsern Sünde-  
den/ vnd vergilt vns nicht nach vnserer Missethat/ Amen.

### Maïus/ May.

**D**er May ist etwas wunderbarlich vnter einander mit  
Sonnenschein vnd Feuchtigkeit/ Kält vnd Wärm  
vermischt: Anno 76. kühl/ vngeschlacht vnd trawrig  
gnug/ von vilen Platzregen vnd Hagelwetter/ da der Wein/  
wie zuvor gemeldt/ vnd das Korn in der Blüt schaden ges-  
C lidten/

Wöten/Gott der Allmechtige gebe/das es jetzt/wie ich hoffer  
vnd ihñ herzlich hiemit anruffe/ gnediger abgehe/vnd gut  
Wetter sey: Bald im anfang Reiffen zufürchten/ 2.3. lind/  
vnstet/windig/an orten Platzregen. Temperirt 4. 5. doch  
Aprilmwetter. Wunderlich 6.8.9. als Nebel/Melthaw/bald  
Sonnenschein/bald wolcken/regen/ja auch doner/wie Anno  
83. bey dem Sextilschein 40 geschehen. Hoffe ferner vmb  
den Volmon etlich tag auff gut fruchtbar wetter/mit doner  
vnd platzregen 14.15. oder ja folgenden 16. bey dem Δ hz/  
der mir etwas zu Hagel vnd Vngewitter verdecktig/doch in  
fewrigen Zeichen/mag die wärm vnd sonnenschein die obers  
hand behalten/Wie dann ferners kein sonder böser Aspect  
einfelt/dann allein das die Sonn mit den hyadibus hz nat  
tur im 10. grad der Zwilling 21. 22. auffgehet/ vnd gemeins  
glich rauhen Wind vnd Regenwetter bringt/darzu jetzt 24.  
vnd Urbani 25. stimmet der gewierdre schein hz/vnd das die  
Sonn mit dem rothfewrigen stern Oculus Tauri genannt/  
auffgehet: Hoffe aber doch/da gleich küle Luft vnd Wol  
cken zu vngewitter disponirt/sich erzeiget/es sol bald fürüber  
rauschen/sintemal Mercurius geschwindes Lauffs ic. Vmb  
das New gefehrlich gnug / Anno 76. viel Regen vnd Don  
nerwetter/ja Hagel vnd Gewässer. Ich kan aber nicht alle  
Vrsachen vnd Umbstend/ so bey dieser Kunst zubetrachten  
von nöten/auffsinnen vnd bedencken.

Syrach 43. Durch des HErrn Wort bestehet alles: Wenn  
wir gleich viel sagen/so können wirs doch nicht erreichen.

Wie lieblich aber sind alle seine Werck/wiewol man kaum  
ein süncklein davon erkennen kan.

### Junius/ Brachmonat.

Der Brachmonat ist auch seiner Unbeständigkeit  
oder wunderlichen Verenderung halben ( dergleichen Anno 76. geschehen ) nicht wol zubeschreiben.  
Dieweil aber doch die Planeten jzt alle richriges geschwin  
des Lauffs/ ist zu vermuten/ die trüchne werd ob siegen. Pla  
neta

netæ enim, veloci motu suo, siccatates inducunt. Cardanus  
legmento 7. aphorismo 127 &c.

Den 1. Junij auff den Abend vmb 7. vhr/ kommen Jupis-  
ter vnd Mars im 1. grad des Widers zusammen / beyde ins  
fertilschein Mercurij/ Solten in gemein ein warm gut Wets-  
ter bringen / doch nicht on Fewr oder mancherley Wunders-  
zeichen/ vngestämme Wind / schrecklich Donner/ Blitz/ eins-  
schlagen vnd Platzregen ic. sintemal andere Aspect/ als ein  
fertilschein ☿ ic. im Schreibkalender verzeichnet/ mit ein-  
fallen (Anno 65. 24. Maij temperit/ hell/warm) wie 2. oder  
3. vnd noch mehr 5. item 7. 8. auff vnser alt Pfingstfest zuers-  
farn/ da die Son mit dem kleinen Hundsstern ☿ natur ic.  
die Venus aber im Gegenschein des Mondes lang zuvor/  
mit dem hellen stern am lincken Fuß Orionis, Saturni na-  
tur ic vntergehet. Der Allmechtige Gott wölle vns vor  
Zagel/ Fewers noth vnd allem anderem Vngewitter gnedig  
gleich behüten/ vnd vil mehr ein gnedigen fruchtbarn regen/  
samt allerley Gaben des 3. Geists schencken/ Psal. 68.

Von der Coniunction 47 schreibt Albumasar/ das solche  
allerley verbitterung vnter den Geistlichen/ Item Krieg vñ  
Empörung vnter den grossen Herrn anrichte. Sind beyde  
Planeten mittäglich/ aber Jupiter der Ecliptica oder Sonn-  
nenstrassen neher/ vber 7 erhöht.

Haly Albohazen parte 8. cap. 25. fol. 392. schreibt also:  
Quando Mars iungitur cum Ioue, denorat multas lites &  
cruce signatas percussiones, ( das Creutzlein auff der Weis-  
ber Schleyer vnd der Leut Kleyder gefallen / wie geschehen  
in Jarn Christi 747. 783. 786. 979. 1006. 1502. ins Funckij  
vnd andern Chronicken zufinden ic. ) accident etiam morbi  
populares & mortalitates in terra climatis, in quo iungen-  
tur, & erunt bestia magni valoris, & diversi colores in aere  
apparebunt. mortem etiam alicuius regis in illo climate si-  
gnificat.

Haly: Coniunctio 47 significat mortem hominis diui-  
tis & magna fama:

Cardanus: Si Iupiter fuerit iunctus cum Marte, significat damnum in claris: seu præpositis hominibus, &c. Der gleichen Zusammenfügung in diesem Zeichen Wider/ vnd eben in diesem 1. grad/ ist gewesen Anno 1513. 9. Januar. In welchem Jar sich viel Auffruren zugetragen in Ungern/ Würtemberg/ zu Wormbs/ Coln/ Braunschweig/ &c. wie in Chronicken zu finden: Anno 48. 15. Junij im 17. grad des Widers/ da das INTERIM geschmidt worden/ vnd viel Wunderzeichen geschehen/ &c. Vnd Anno 84. 30. Aprilis im 21. grad gemeldtes Zeichens/ &c. da ungestümer durrer Wind vnd schedliche Reiffen mit eingefallen/ &c.

### III.

## Vom Sommer.

**D**er Sommer fahet recht an mit dem lengsten tag/ wann die Sonn in den ersten punct des Zeichens Krebs eintritt/ welches in diesem 95. geschicht/ Donnerstag nach dem 3. Pfingstfest in vnserm alten Calendar/ 12. Junij/ eben da die Sonn im hohen Mittag/ oder ja/ nach Magini Rechnung/ ein halb Viertel zuvor / als der anfang des Zeichens Wag in Horoscopo, vnd Jupiter mit ♃ im hitzigen Zeichen Wider/ im winkel des 7. Hauses vntergehen wil/ vnd beyde Liechter ☉ vñ ☽ (im Steinbock im 4. Hause) von diesen Planeten durch ein gevierden schein angesehen werden. Saturnus ist jetzt in Revolutione im 11. Hause/ in dem Volmon aber 13. stund zuvor auch im 7. Hause in dem hitzigen Löwen/ &c. Die Zusammenfügung Jovis vnd Martis/ oder ja Mars in proprio gaudio auff Jovem folgend/ behelt das Regiment/ vñ vñ verkündiget ein hitzigen durren Sommer: Zwar im anfang etlicher sarsfallender Aspect halben/ im Schreibkalender verzeichnet/ etwas vermischet vnd vnstet/ wie auch Anno 76. geschehen/ sehr windig mit wolcken vnd regen hin vnd her / ja bald vmb den Volmon

11. 12. Junij/ donner/ blitz / 13. 14. selgane Wolcken vnd  
kälte Luft / ja Windsbraut vnd Platzregen / ic.

Vor 12. Jarn Anno 83. 9. Junij/ war es bey dem gevierten  
schein  $\odot$  ganz geschwülz vnd hizig/ zu Wetter vnd regen  
geneigt/ darzu jertz der quadratus  $\text{h}^2$  an Sanct Veits tag/ am  
hohen fest der 3. Treysaltigkeit / gegen Abend vnd in der  
nacht starck verhilfft/ das es schwerlich ohn ein Wetter vnd  
Platzregen abgehert: Dergleichen geschehen den 25. Maij  
Anno 66. ( vnd Anno 65. 12. Maij/ temperirt / kül regen.)  
Anno 36. 3. Junij ist bey solchem Aspect ein heisser Soms  
mer gewesen/ ic.

Also auff das letzte viertel 19. 20. bey dem gevierten schein  
 $\text{h}^2$  ic. hat man auch starcken Wind vnd Windsbraut/ don  
ner vnd blitz zugewarten/ vnd noch mehr auff Johan. Bas  
ptista 24. 25. vnd sonderlich vmb das New 26. 27. vnd 28.  
von wegen des quadrati  $\text{h}^2$  geschwülz / zu schrocklichen  
Wetteren sehr geneigt/ doch das man darbey das New eins  
bringen kan. Anno 76. hat es vmb das New mit Regen  
vnd vngestümmen Winden wol angehalten/ ist vnstet gnug  
gewesen. Gott der Allmechtig gebe das jertz ein frucht  
bar Wetter sey.

### Julius/ Hermonat.

**D**er Hermonat ist zwar wunderlich gnug/ hat viel  
seltzamer Aspect: aber doch behelt meinem verstand  
nach/ die hiz vnd dürre die oberhand/ wie auch Anno  
76. geschehen. Vmb das erste viertel 4. 6. zu blitz vnd wetter  
geneigt/ oder ja starcker Wind/ vnd noch mehr den 8. 9. bey  
dem gevierten schein  $\odot$  ic. oder erst hernach vmb den Vol  
mon 11. Julij. Es gibt gern bey solchen Aspecten wunderzei  
chen/ vnd das der Himel ganz sewrig vnd schrocklich anzuz  
schawen/ Item viel brunnsten. Dergleichen  $\square$   $\text{h}^2$   $\odot$  gewesen  
Anno 1516. 12. Julij/ da der Türck groß glück vnd sieg ges  
habt/ item der Hagel an orten dem Wein schaden gethan ic.  
Ein solcher quadratus ist auch gewesen im Jar 1437. da ein  
sterbers

sterben durch alle Land war. Item 1278. da es auch sehr ge-  
storben. Item 1279. da ein thewre zeit gewesen/vñ 1200. re.  
Windig vnd vnstet 13. 14. von wegen des sextilscheins  $\text{h} \text{z}$  3  
Doch 1. Julij Anno 36. ist bey solchem Aspect die hitz blieben.  
Also der trigonus  $\text{z} \text{o}$  16. 17. bedeutet für sich auch grosse  
hitz/ doch mit plazregen. Aber bald 18. folget die zusamen-  
fügung  $\text{h} \text{z}$  im 25. grad des Löwen / ist zu starkem Wind  
vnd Vngewitter sehr geneigt / sintemal diese Planeten/ mit  
dem hellen stern in dorso Leonis  $\text{h} \text{z}$  natur auffgehn/ re.

Serner etwas kül/ feucht vnd vnstet/ ja viel Hagel/ schlech-  
tige wetter 20. 21. wie noch mehr 23. 24. von wegen des ges-  
viertenscheins  $\text{z} \text{z}$  vnd  $\Delta \text{z}$  re. Mars gehet mit des Widens  
Zörnern vnter/ vnd Mercurius cum hydrae lucida, &c.

Auff das New vmb Jacobi 25. 26. geschwülzig zu Wetter  
geneigt/ bald widerumb trucken/ ja dürr/ vñ zu ende diß Mos-  
nats kül/ windig/ die liebē fruchte einzusamlen gut Wetter.

Syrach 43. Der HErr leß es wunderbarlich durch einander  
blisen/ daß sich der Himmel auffthut / vnd die Wolcken schweb-  
ben wie die Vögel fliegen.

Er macht durch seine krafft die Wolcken dick/ daß Hagel  
darauf fallen. Sein Donner erschreckt die Erde / vnd Berge  
zittern für im/ &c.

### Augustus/ Augstmonat.

**D**er Augstmon ist auch noch mehrertheils warm vñ  
trucken/ daß an vielen orten klag an Wasser: Waiss  
dem Gestirn nach kein sonderliche Verenderung/  
dañ was vmb den Volmon 7. 9. geschehen möchte/ da es An-  
no 76. viel regen geben / sonst aber in gemein warm/ ja hizig  
vnd dürr gewesen. Den 11. 12. kompt die Sonn zu Saturno/  
betrübet die Luft/ vñ verursacht ein schwermütig sterbwetz-  
ter/ oder lindert die Hitz/ vnd bringet rauhen starcken Wind/  
ja zu frü stinckende böse nebel/ an orten Reiffen. Dergleichen  
Zusammenfügung gewesen 2. Augusti/ Anno 65. hat sich kül/  
feucht vnd windig erzeigt/ aber bald widerumb grosse Hitz  
erfolget



erfolgt/ vnd ein sterben vmb Eisleben/ Mansfeldt/ Thüringen vnd Meissen eingefallen. Vnd 29. Julij Anno 35. da gleichsals die Pestilenzische seuch in Sachsen/ Westphalen ꝛc. angehalten. Item 4. Augusti/ Anno 1506.

Also enderung des Wetters 13. Augusti/ da Mercurius zurück laufft/ vnd 14. 15. temperirt/ aber sehr windig/ feuchte mit Donner den 16. vnd starcker Wind zu Vngewitter vnd Erdbidem geneigt 20. 21. bey dem  $\Delta$   $\gamma$  in Irdischen Zeiche Sierr vnd Jungfraw. Auch den 23. 24. Regen vnd seltsam Wetter mit Donner zu spüren/ dabey Windsbraut oder vngestümm/ von wegen der Coniunction  $\odot$   $\pi$  c. vmb das Ntero 25. 26. 27. Darauff ein gevierter schein  $\gamma$   $\eta$  29. 30. folget/ welcher sehr zu Wetter/ Donner/ Blitz/ Platzregen vnd Vngestümm geneigt/ ꝛc.

Psal. 18. Der Herr donnerte im Himmel/ vnd der höchste ließ seinen Donner auß/ mit Hagel vnd blißen/ ꝛc.

### September/ Herbstmonat.

**D**er Herbstmonat ist auch fürnemlich trucken/ ja darrt/ wie Anno 76. geschehen/ mit rauhem starckem wind etlich tag/ dieweil Mars seinen Lauff durch das Siebengestirn hat/ zu Wunderzeichen vnd Vngewitter starck geneigt 5. 6. bey dem trigono  $\gamma$  c/ dergleichen an diesem ort des Himmels nicht geschehen in 79. Jarn/ seide man 1516. gezelt/ da so guter Wein gewachsen/ das man keines bessern gedacht/ aber nicht zu viel/ dann er vom Hagel grossen schaden genommen hatte/ bedeutet vngestümme Wind/ zu Erdbidem oder sonst vngewitter geneigt/ vñ platzregen (ja zu frühe küll/ reiffen.) Anno 48. 16. Septeb. ist fast dergleichen Aspect gewesen/ vnd der Wein vmb den Hartz sehr erfroren. Darzu stümet die Zusammenfügung  $\eta$   $\eta$  im 2. grad der Jungfrawen/ auff den Volmon 8. Septemb. Mariae geburt ꝛc. welche Planeten mit dem stern Hydra lucid. genant/ vor der Sonnen auffgehn/ vñ kalte regen/ ja Vngewitter bedeuten. Ich hoffe der Wind sol die küll vnd schädlichen Reiffen vertreiben/ ja durch

durch Wolcken vnd trüb Regenwetter/ hinweg gehen/ wie  
dann jetzt 10. 11. 12. bey dem gegenschein 40 noch mehr/ re/  
gen vnd vnstet Wetter zugewarten. Als Anno 83. 6. Septemb.  
dergleichen opposition sich beggeben/ gieng der Wind ersts  
lich vom Vidergang mit trüben wolcken vnd wenig regen/  
bald aber temperirt vnd hell/ zu Abend vnnnd Nacht Blitz/  
Donner vnd Platzregen. Wenig tag zuvor war ein schrock  
lich Chasma oder Feuerzeichen/ da der Himmel ganz trawrig  
anzusehen/ als wann es Blut vnd Feuer regnen wolt ic.

Nota. Wann die Sonn vntergangen/ wird Jupiter ganz  
herrlichen leuchten/ viel grösser dann sonst anzuschawen/  
dann er dem Erdboden am nehesten/ ic. Davon Herr Philip.  
Melanthon in doctrina Physica also schreibt: In fine aestatis  
Anno 1548. vidimus stellam Iovis multo maiorem & ful-  
gentiorem solito, eò quod tunc fuit circa locum perigæi Ec-  
centrici in Ariete & Soli opposita, etiam in perigæo Epicy-  
cli: fuitq; ea aestate tanta agrorum fertilitas, vt propter lar-  
giorem messem, annona subito fieret laxior, &c.

Anno 71. 2. Septemb. auch ganz warm mit donner vnd  
platzregen/ ja schrocklich Vngewitter zu Straßburg. Vnd  
so viel vom Sommer.

### IIII. Vom Herbst.

**D**er Herbst gehet recht an/ wann Tag vnd Nacht  
zum andern mal in der ganzen Welt gleich werden/  
welches in diesem 95. Jar geschicht/ Sambstag 13.  
oder 23. Septembr. umb 11. vhr nach Mittag/ kurz vor  
Mitternacht/ als der 14. grad des Krebsen/ mit dem hellen  
Stern der ersten grösse in Humero dextero Orionis, 7 8 nas  
tur/ in horoscopo, vnd der 14. grad der Fisch im hohen Hims  
mel. Im Volmon zuuor ist der 11. grad des Steinbocks  
im ersten Hause/ vnd der 14. Scorpij in medio Coeli &c. Iu-  
piter wiewol retrogradus, doch in proprio gaudio, &c. vnd  
7 Dominus horoscopi & medij Coeli in sextili Iovis, behal  
ten

ten das Regiment/20. Verkündigen einen temperirten warmen trucknen Herbst/ mit starckem Wind zum Wetter geneigt 3. 14. Aber bald widerumb temperirt trucken etliche tage. Der 20. 21. sind auch bedenklich/ zu Regen vnd Wind disponirt/ vnd noch mehr der 22. Auff das new Liecht 23. wird die Sonn vom Mond verfinstert/ bringt Vngewitter/ wo nicht als bald diesen bey dem  $\Delta$   $\gamma$  doch folgende tag 24. 25. sehr windig vnd selzam Wetter/ von wegen des gegenscheins  $\gamma$   $\delta$  in Zeichen Fisch vnd Jungfraw. Aber Anno 83. 14. Septemb. ist es bey dergleichen Opposition temperirt/hell/warm vnd trucken blieben/ Also/ das es jetzt auch disputierlich/ geht doch ohn Wolcken/ vnd sonderliche verenderung/ ja Donner vnd vngestumm nicht ab 26. von wegen des trigoni  $\gamma$   $\delta$  vñ das Mars im gegenschein des Mondes in seinem Lauff zu rüch weicher/ vñnd mit dem grossen Zundsstern vntergehet/ Item ein gegenschein  $\gamma$   $\delta$  mit einfelt 28. beyde im gerierten schein des Mondes. Dergleichen Aspect gewesen Anno 83. 2. Augusti/ war sehr windig vom Lüdergang/ vnd gab viel Regen/ darauff es doch bald widerumb trucken worden/ mit vielen wunderzeichen 20.

### October/ Weinmonat.

**D**och der Weinmon temperirt/trucken/doch zu frü der Jarzeit nach/ mit küler Lufft/ Reiffen oder Nebel vnd nach dem Mittel mit vngestümmen Winden vñ Regen sehr vermischet/ wie Anno 76 20. Waif im anfang kein sonderliche verenderung/ dann was Mars mittäglich mit seinem Lauff durch das Sibengestirn bringen möcht/den 3. 4. sonderlich bey dem verfinsterten Volmon 7. 8. 10. viel Kranckheiten vnd ein vngesund sterbwetter/ den Landknechten/ Weibern vñnd Kindern/ auch dem Viehe sehr gefehlich 20. Umb das letzte Viertel 16. 17. sehr windig vnd vnbestendig: also kalter Lufft vnd vnlustig mit regen vnd schne 19. 20. wie auch umb das Vier/ vnd hernach/ wunderlich selzam wetter 23. 25. oder ja böse vngesunde nebel/ von wegen

D                      des

des gegenscheins Martis zur Sonnen vnd Mercurio vmb  
 Simonis Judæ, vnd 29. 30. zu ende diß Monats/ Derglei-  
 chen Aspect wir in diesen Zeichen Stier vnd Scorpio nicht  
 gehabt in 79. Jarn/ seit man 1516. gezelt/ damals den 27.  
 Octobr. (Anno 48. 7. Nouembr.) trohet gefehrliche Herz-  
 krankheiten/ Halsgeschwer/ Seitenwehe/ Khur ic. Summa  
 vergiffen Lufft/ vnnnd absterben hoher Potentaten oder  
 Kriegsobersten. Item Feuerzeichen/ vnd des Türcken Ty-  
 ranney ic. Albohazen; Oppositio ☉ ☿ significat interfectio-  
 nes & lites multas &c. Item Mars in Tauro significat da-  
 mnnum in arboribus & fructibus, & mortalitatem in ani-  
 malibus brutis, & rixas inter homines.

November/ Wintermon.

Also der Wintermonat selzam vnd wunderlich mit re-  
 gen/schne/kält vnd vngestümigkeit vermischet/ vnd  
 derhalben schwer zubeschreiben/ Melancholisch vnd  
 phlegmatisch/ vngesund. Summa widerwertiger eigen-  
 schafft/ da grosse klag/ allerley Krankheiten halben/ sehr  
 windig vñ feucht/vnstet/ 4. 5. 6. von wegē des gegenscheins  
 ☿ ♀/ damit auch andere Aspect stünen/ zu lindem vnd doch  
 kaltem vnlustigem Wetter geneigt: als der trigonus 4 ☉ hat  
 vor 12. Jarn Anno 83. 1. Novemb. regen vnd vngestümme  
 wind von Mittag vnd Vidergang mit sich gebracht: Item  
 Wunderzeichen. Entgegen bedeutet der quadratus ♄ ♀ kal-  
 ten wind vnd schne/oder böse nebel/wie bald nach dem Vol-  
 mond 7. 8. 9. da Jupirer directus wird/zuerfahren.

Vnd ferner vnbestendig bey dem  $\Delta 4 \text{ ♀ } 12. 13.$  sehr windig  
 vnd feucht 16. 17. 18. von wegen des gevierten scheins 4 ♀ in  
 oppposito &c. Lunæ. Jetzt auff das New 21. 22. 23. kalt vnd  
 Winterisch gnug/ mit vilem schne vnd vnlustigem Melan-  
 cholischen/ vngesunden vnnnd schwermütigen Wetter/ von  
 wegen des gevierten scheins Saturni zur ☉ vñ ♀/ Ja darbey  
 vngestüm zu Erdbidem geneigt/ sintemal ♄ ☿ in trigono si-  
 gnorum terrestrium. Item Mars geht in vnserm Horizonte  
 zu abend mit den Pleiadibus im 9. grad des Stiers auff/ vnd  
 Satur

Saturnus geht auff cum cauda Leonis, hat ein selzam an-  
sehen. Ist einem hohen Potentaten der das signum virginis  
in Horoscopo hat/ jetzt vnd noch mehr im Jher vnd August  
monat folgendes 96. Jars gefehrlich genug ic.

### December/ Christmonat.

**D**er Christmonat ist auch ganz vnbestendig / lind  
vnd vngestümm/wie Anno 76. geschehen / vnd die  
Zeit mit sich bringen wird/ darüber ich mein Kopff  
jetzt weiter nit zerreißen wil/ ic.

Psal. 147. Unser HErr ist groß / vnd von grosser Krafft/  
vnd ist vnbegreiflich wie er regiert. Er gibt Schnee wie Wol-  
le/Er streuet Reißen wie Aschen/Er wirfft seine Schlossen wie  
Bissen / wer kan bleiben für seinem Frost? Er spricht/ so zers-  
schmelzet es/ Er leßt seinen Wind wehen/so tauets auff ic.

### Von den Finsternussen vnd bösen Aspecten der Planeten/vnd derselben Bedeutungen.

**D**ie grosse Finsternuß der Sonnen 10. ader 20. Maij  
dises lauffenden 94. Jars/zu frü vmb 4. vhr/im 29.  
grad des zeichē Stiers/in Morgenländern/Vngern/  
Türckey/Moscaw/Persien ic. traurig erschienen / hat ihre  
krefstige bedeutung von zeit der erscheinung an / vnd diß  
künfftig 1595. bis den Mayen durch des folgende 96. Jars/  
mit schedlicher kälte/ vielen vngewittern/Krieg/Therwung/  
Pestilenz ic. Wie auch die Finsternuß des Mondes 19. oder  
29. Octobr. diß 94. im 6. grad des Stiers / erst vom mittel  
Septembris/vnd die letzten 3. Monaten dises 95. durch/ ihr  
wirkung fast mit gleicher bedeutung/ in voriger Practick  
erzehlt/volbringt. Darzu jetzt andere mehr/wol drey Finstern-  
uß in disem künfftigen 95. Jar einfallen.

Erstlich ein sehr grosse des Mondes vber 20. puncten  
oder Jöll/ 14. oder 24. Aprilis zu frü 9. minut. vor 4. auff der  
D ij kleinern

Kleinern Vhr/in dem andern grad vnd 54. minuten Scorpij/  
bey dem Drachenschwanz/da der Mond von der Sonnens  
straffen gegen Mittag außlaufft/vnd jetzt zwischen dem 7.  
vnd 8. Hause zum Nidergang sich neiget/ 1c.

Der anfang geschicht 3. Minut. vor 2. Vhr/ (oder 1. stund  
57. minuten) nach Mitternacht des 13. Aprilis oder Palm/  
sontags in vnserm alten Calender. Wirdt aber der Mond  
durch den Schatten der Erden ganz verdunckelt sein vnd  
bleiben von 3. vhr an/bis 3. viertel nach 4. vhr/ da er wider  
anfahet liecht zu werden/vnd die Finsternuß ganz vnd gar  
ein end hat 1. viertel vor 6. Vhr/ als solche von anfang bis  
zum end geweret 3. stund vnd 45. minut. oder 3. viertheil/ 1c.  
Es geht aber die Son eben vmb 5. vhr auff/vnd der Mond  
vnter/ darumb wir das end nit so wol vnd gar/ wie die Völk  
cker besser gegen Nidergang der Sonnen wonend/ sehen  
werden. Vnd diereil die ganze werung dieser Finsternuß/  
wie gesagt/auff 3. stund vnd 3. viertel sich erstreckt/ machen  
solche in der wirkung 3. Monat vnd 22. tage. Nach dem  
aber der Mond 145. grad vom Horoscopo in das 8. Haus  
abgewichen/ thun solche 294. tage/ 5. stund vnd 20. minu/  
ten/ von höchster verduncklung oder mittel diser Finsternuß  
an zurechnē/ das also der anfang diser Finsternuß wirkung  
gar langsam einfiel/ nemlich vmb Liechtmess des 1596. vñ  
erzeigt sich am heffrigstē von Gregorij an bis ins mittel des  
Apriln/ vñ hette ein end vmb Urbani: da vnter des noch wol  
drey Finsternuß sich zutragen/ als 2. noch in diesem 95. vnd  
vnd abermals ein grosse Finsternuß des Monnds 2. Aprilis  
vorgemeldtes 96. Jars/ davon an seinem ort vnd zu gelege/  
ner zeit weiter folget: Hat aber doch nach der Lehr Cardani/  
segmento 7. aphorismo 59. auch als bald ihre krefftrige wir/  
kung/ 1c.

Die gemeine bedeutung diser schröcklichen vnd vberauff  
grossen Finsternuß ist/ das sie/ nach der alten Astrologen  
Lehr/ im wässerigen trigono oder feuchten zeichen Scorpij/  
in mansione frigida & humida, ( doch in domo seu gaudio,  
termino

termino & facie Martis) verkündigt des gemeinen Volcks vntergang vnd verderben/ langwirige Krieg vnd viel auffrühren/ Item grosse vngestümigkeit vnd gefahr auff dem Meer vnd Schiffreichen Wassern / auch abgang der Vösch vnd aller anderer Thier/ so in Wassern ihr auffenthalt vnd wonung haben.

Insonderheit aber schreibt Proclus Lycius: Wann ein Finsternuß des Monds in den ersten zehen gradē des Scorpij geschehe/bedeute sie schrockliche Donnerwetter/Blitz vñ fewrige Stralen/oder einschlagen vnd Fewrsnoht / vnd zuweilen ein Erdbidem ꝛc. Damit stimet auch Antonius Mizakus in seinen Ephemeridibus aëris oder tempestatum Astrologia, classe 5. von Erdbiden mit disen worten: Regio, in quam umbra eclipsis luminarium conuertitur, terræ motui obnoxia esse plerunq̃ solet, idq̃ certius, si defectus ipse in cauda Draconis continget, wie jetzt geschicht ꝛc. Eigentlich aber von der sâch zu reden/ so gehört dise Finsternuß noch in die Constellation der Wag/ wie dann auch der Mond nur ein viertel stund/ vor dem hellen stern in Lance meridionali 2. magn. 48 natur vntergehet / vnd kurz zuvor die hellen stern auff des Löwen Rucken vnd Schwanz mit dem 24. grad der Wag vntergangen ꝛc. bedeuert Vergiftung des Lufftes vnd schnelle Pestilenzische Kranckheiten/ Sonderslich in den Ländern vnd Städten diesem Zeichen Wag / ja dem ganzen lufftigen trigono, Zwilling/ Wasserman / vnd im gegenschein dem Wider ꝛc. vnterworffen/ darunter in gemein gantz Teutschland/ Franckreich / Engelland / Poln/ Oesterreich ꝛc. begriffen/ wie am end der Practick zufinden. Mars bleibt Regent als Dominus loci ecliptici, vnd Arietis signi ascendentis, item ratione exaltationis gubernator Medij coeli &c. ist aber in dem verworffenen 12. Haus der trübsal/ feindschafft/ sorg vnd anfechtungen / wie auch Venus vnd Jupiter/ Item Saturnus im gegenschein Martis im 6. der Kranckheiten gleich stationarius, bedeuert grosse furcht vnd schaden von Feinden/ groß Blutvergiessen ꝛc. In der

Revolution zuvor steht Mars im 6. Haus/ vnd 7. im 12. tro-  
hen viel Kranckheiten vnd absterben der Menschen/ auch  
des groben Rindviehes/ Pferd ic. Quando enim Saturnus  
in signo quadrupedum, erit damnum in bestijs & gregibus.

Darzu verhilfft der ort der Finsternuß/dz solche geschichte  
im 8. Hause des Todts vñ Erbschafften/vnd die bedeutung  
vber die Martialischen vñ Lunarischen Menschen fürnem-  
lich gehen möcht/ als da sind Kriegsleut: Item mechtige  
Weibspersonen/Königin/Witwen/vñ das gemeine Volck/  
Kinder/ic. Item die jenigen/welche zu Land vnd Wasser  
reyßen/vnd in legationibus sich gebrauchen lassen ic. Item  
eine Finsternus gegen Uidergang der ☉/bedeut verende-  
rung der Gesetz vnd Statuten/vnd absterben alter Leut ic.  
Auch lehret Ptolomæus weiter/wañ ein Finsternus im Frū-  
ling gescheh/so schade sie fast allen frūchte vñ Erdgewechs/  
den Baumen/Weinstock ic. Item ein Finsternuß in Miez-  
täglichen zeichen/Wag/Scorpio ic. bringe vngestümme  
Wind/vnversehene Platzregen/vñ schade den grundvesten  
vnd Gebäwen/wie besser im Herbst zverfahrn. Summa  
Mars ist in allen revolutionen/sonderlich im Sommer vnd  
Herbst/zum stärcksten/ciet bella, seditiones intestinas, capti-  
uitates, excidia urbium, populi tumultus, principum iras &  
subitas neces: praterea & febres tertianas, sanguinis erupti-  
ones, morbos acutos, violentos interitus iuuenum, violenti-  
as, iniurias, incendia, homicidia, rapinas, latrocinia &c.

In aëre æstus, ventos calidos, pestiferos & tabificos, fulmi-  
num iaculationes, turbines, siccitates. In Mari subita nau-  
fragia &c. Alles Herrn Philippi Wort in Quadripartito  
Ptolomæi, &c. Keine solche Finsternuß in diesem Zeichen  
vnd ort des Himmels haben wir lenger dan in hundert Jar-  
ren gehabt/nur den 22. April. Anno 48. damals im 13. grad  
Scorpij ic.

Zum 2. begibt sich in diesem 95. Jar/Dinstag nach Mat-  
thæi 23. Septembr. (nach dem newen Calender 3. Octob.)  
ein Finsternuß der Sonnen auff 4. puncten/ vmb 1. Uhr vñ  
3. Viertel



3. Viertel nach mittag/nahē bey dem Drachenschwanz/im  
9. grad vnd 27. minuten der Wag/vnd im 9. Haus der Re-  
ligion/ als der 4. grad des Steinbocks in Horoscopo, vnd  
im hohen Zimmel der 7. Scorpij 2c. Der anfang geschicht  
in vnserem Horizonte gleich vmb 1. Uhr/das mittel 3. vier-  
tel hernach/das Ende zwischen 2. vnd 3. 2c. Als sie von an-  
fang bis zum ende geweret anderthalb stunde/2c.

Solche anderthalb stund machen in der Sönen Finsternuß  
nuß so viel / nemlich anderthalbe Jahr. Nach dem aber die  
Sonn 84. grad vom Horoscopo abgewichen / welche 170.  
tage machen vom mittel diser Finsternuß anzuzehlen / felle-  
t der anfang dieser Finsternuß mit der vorigen Mondes wir-  
ckung ein/ vmb Gregorij des 96. vñ weret bis in Herbst des  
1597. Jars/bedeut in den ersten zehen gradē der Wag/vnd  
im lufftigen trigono, theurung vnd hefftige Kranckheiten/  
vergiftung des Luffts/vnd Pestilenzisches sterben/famem  
& atrocissimas agritudines significat &c.

Dergleichen Finsternuß ist gewesen im Jar 1502. 1. Oct.  
im 17. grad der Wag / da die Pestilenz durch das ganze  
Teutschland grassiret. Vnd Anno 1493. da Keyser Frider-  
rich zu Wien gestorben/ist auch ein Finsternuß der Sonnen  
im 27. grad der Wag gewesen/ Davon Cyprianus. Die Tür-  
cken verwüsten Croatiam/ Steyrmarch vnd Kerndten 2c.

Item kürzlich vor dem Todt Keyser Albrechts ist ein  
Finsternuß der Sonnen gewesen im 6. grad der Wag/Anno  
1439. vnd war ein groß sterben vber alle Welt / davon in  
der Mansfeldischen Chronick 2c.

Eben ein solche Finsternuß/ auch 23. Septembris/ist ge-  
schehen Anno 1093. darauff alsbald grausam Vngewitter/  
langwirrige Regen/ vnd grosse Wasserflut bis in den April  
folgendes Jars / darbey zimliche Thewrung/vnd derenhalb  
ben Diebstal vnd Mord/ auch Pestilenzisch sterben/ Summa  
grosse not vñ vil jamers in der Welt/ auch ein Comet erfolgt.

Anno 786. da viel Wunders geschehen/ vnd man Creutz  
auff der Leut Kleider gefallen gesehen 2c. ist am tag Lams-  
verti

perti 17. Septem. auch ein schröckliche Finsternuß der Sonnen gewesen ic.

Zum dritten begibt sich noch ein grosse Finsternuß des Monnds vber 18. puncten/ 8. oder 18. Octobris zu früe vmb 8. vhr vnd 20. minuten/ in dem 24. grad deß Widers/ deren anfang geschicht vmb 6. vhr 20. Minut: das ende nach 10. vhr ic. Dierweil aber bey vns die Sonn lang zu vor/ 1. viertel vor 7. vhr auff/ vnd der Mond vntergangen/ kan dise Finsternuß allein recht von den Völkern/ die besser gegen Vntergang der Sonnen inn Brabant/ Flandern/ Friesland/ Schotten/ Franckreich/ Hispanien/ Portugal ic. wonen/ observirt werden/ dahin auch die bedeutung/ gewolich Vns gewitter/ Erbidem/ Krieg/ Thewrung/ Pestilentz ic. sich fürnemlich erstreckt ic.

Proclus Lycius setzt diese Wort: Luna in postremis Arictis gradibus lumine deficiens, abortus multos & parturientium pericula minatur.

Albohazen ein Astrologus, so vor vierhundert Jarn gelebt/ schreibt also: Eclipsis alterius luminaris non spernenda, quandoquidem post talem eclipsin Solis & Lunæ, viles, plebei & mali homines insurgunt contra reges seu magistratus suos, & contra eorum præfectos, & vilipendentes malè tractant eos, & regna mutantur, multiq; mali existunt.

Herr Philip, Melanthon in doctrina physica: Omnium ætatum exempla testantur, magnas mutationes rerum, ætus, diluvia, pestilentias, bella & magnas clades, statim post luminum defectus accidisse, vt illa mala penè denunciari viderentur a cælo &c,

Welcher von hohen oder widerstands Personen etwas weitleufftiger vom Türcken wissen wil/ der lese mit fleiß/ was D. Martinus Luther darvon Anno 29. geschrieben/ in den Büchlein/ welcher Titel/ Vom Krieg wider den Türcken/ vnd Eine Heerpredigt wider den Türcken/ beyde im 4. Jenischen teutschen Tomo zu finden/ vnd Vermanung zum Gebet wider den Türcken/ im 7. theil Anno 41 ic. Was auß dem

dem Gestirn zuvertrösten/ haben die verständigen gnugsam  
auff vielen droben angezogenen Jahren oder Exempeln ab-  
zunemen.

D. Luther in der Hauspostill vber das Evangelium  
am 27. Sonntag nach Trinitatis schreibet also: Wir sind  
leider inn eine gefehrliche Zeit gerathen/ vmb vnser Sünd  
vnnnd Bosheit willen/ der Türck ligt vns auff dem Hals/  
vnnnd ist vns feind/ des wir nimmermehr werden abkom-  
men/ wenn wir vns nicht anders/ denn bissher/ zur sachen  
schicken.

Darumb haben wir weder Siegel noch Brieffe darfür/  
das vns nicht auch wie den Vngern geschehen/ vnnnd vnser  
Weib vñ Kind sampt vns in die Türckey gefangen geführt  
sollen werden. So lest es sich mit Sterbens leufften/ Thew-  
rung vnd Vneinigkeitt vnter vns selbs in Teutschland auch  
sehr grewlich an. Solche Ruthe ist niemand den den Gottes  
losen verächttern vnd verfolgen des Worts gebunden/ des  
nen wird sie auch zutheil werden. Die aber so Gottes Wort  
lieb haben/ es mit ernst hören/ vnd sich darauß bessern/ re. die  
sollen solcher frombkeit genieffen/ wie Daniel vnd seine Ges-  
ellen / vnd mitten in der Türckey erhalten werden / Ja die  
Christliche Kirche sol bleiben / wann gleich der Teuffel/  
Türck vnd Papst noch so mächtig weren/ so sollen sie doch  
den Christen / die an Gottes Wort halten/ nichts schaden.  
Amen.

## Von der Fruchtbarkeit.

**W**iewol auß obgesetzter Beschreibung des Gewits  
ters abermals gnug abzunemen / das auch in dies-  
sem 1595. Jar viel Ursachen der Unfruchtbarkeit  
vnnnd Thewrung vorhanden / Erstlich von wegen des Ges-  
wässers vnd folgender schädlicher Kält/ droben im anfang  
vnd endel des Apriln/ bey dem gegenschein ♄ ♀ vnd ☐ ♄ ☉  
angezeigte. Darzu zum andern die wirckungen vieler gesche-  
hener vñ jetzt künsttlicher Finsternissen verhelffen / wie Car-  
danus

⚔

danus

Annus segmento 7. aphorismo 52. vnd 53. lehret: Cum multiplicantur eclipses magna, necessario sterilitas succedit sequentibus annis, refrigeratur enim terra & exiccatur, dann die Finsternuß erkälten den Erdboden ic. Vnd wann viel Platzregen oder Gewässer vnd Kälte / wie gemeinglich geschicht / mit einfallen / so müsse nothwendig Thewrung vnd grausamer Hunger folgen ic.

So sind zum dritten sonst viel Ursachen der Unfruchtbarkeit vnd Thewrung in diesen Landen / vber welche man lange zeit / wie auch noch (neben dem Geitz / Wucher / Vnbarmherzigkeit gegen den armen) erbärmlich geklagt / vnd die hohen Potentaten wol vnud billich solche abschaffen köndten vnd solten / das der gemein Mann nicht / ja endlich die Obrigkeit selbst / in das eusserst verderben geriete / ic.

Jedoch Astrologice davon zu reden / vnser Sünde hindan gesetzt / dieweil in des Frühlings Revolution, wie auch im Sommer vnd Herbst / Jupiter im Zeichen Fisch in proprio gaudio wolsteht / vnd obgedachte böse Aspect vnd Finsternuß noch bey zeit im Jar einfallen / da der Weinstock / die Baumbliut / vnd andere Frucht nicht zu weit herauß / Item Vmb dz New vor Philippi Jacobi / da gleich stark e reiffen vnd Kälte gespürt wird / dennoch / da wir fleissig beten / gnedig vnd strichweise (wie vber alles verhoffen in diesem 94. da es langsamer im Jar gewesen / geschehen) abgehn möcht / sonderlich dieweil jetzt der Mond widerumb im zunemen / vnd ferner im Mayen / Brachmon vnd Sommer durch eine feine abwechselung der Kälte vnd wärm / feuchte vnd trückne / meinem verstand nach zu hoffen / es solte ein fein mittelmessig / zimlich gut Jar von allerley fruchte (sonderlich wo dz Wild kein schaden thut) zur nocturfft werden. Ja sarnemlich der Wein / wo er nicht bald im Fruling schaden nimpt / hat vor vnd nach S. Veits tag im Brachmon ein gute zeit (wenig sag / drobē verzeichnet / außgenommen) zu blüen / auch im Zew vnd Augstmon bequem wetter fort zu wachsen: solte derwegen gut werden / wie droben im Septemb. gemeldt / vnd bey

fast

fast gleicher Constellation (sonderlich Saturni Lauff nach) geschehen in Jahr 1565. 35. vnd 36. Item 1506 20. Damit dann stümet was Herr Philip. Melanthon vom 48. Jar drohen im Herbstmonat angezogen/von wolfeiler zeit geschriben 2c. Vnd Hermes in Centiloquio, Aphor. 70. Si Iupiter in revolutione annorum mundi fuerit in propria domo vel exaltatione in angulo, &c. penuriam annona significat, &c.

Gewissere Ursachen des Göttlichen Segens vnd allerley Plagen oder Landstraffen findet man in 3. Schuffte/sonderlich Deuter. 28. Der Herr wirdt ein Volk über dich schicken von ferne/von der Welt ende/des Sprache du nicht verstestest/2c. vnd wirdt verzehren die Frucht deines Viehs/vnd die Frucht deines Landes/2c.

Psal. 81. Wolte mein Volk mir gehorsam sein/vnd Israel auff meinem Wege gehen/so wolte ich ire Feinde bald dempffen/vnd meine Hand über ire widerwertigen wenden. Vnd die dem Herrn hassen/müßten an ime fehlen/Ihre zeit aber würde ewiglich weren. Vnd ich würde sie mit dem besten Weizen speysen/vnd mit Honig auß dem Felsen fettigen.

## Von Kranckheiten.

**W**alb im Christmonat dieses 94. solte es viel Kranckheiten vnd ein gemein sterben geben/sintemal in der revolution des Winters/Mars im 8. Hause des Todes mit dem Drachenschwanz im gevierdten schein Saturni/welcher im 6. der Kranckheiten 2c. trohet allerley vergiffte Kranckheiten/Melancholey/Fraistlein/Hertzittern/Schlag/Geel vnd Wassersucht/auch abgang des Viehs/ Ja das die Leute schnell dahin gehn 2c. In der Revolution des Früelings sind Jupiter vnd Venus im 8. Hause/ist den Geistlichen Pra-laten/Rechtsgelehrten 2c. sonderlich den Weibspersonen/Item Solis & Mercurij halben auch im 8. Hause/den grossen Herrn vnd Kindern sehr gefehrlich. Dars

zu verhilff daß  $\gamma$  im 6. Hause der Kranckheiten / vnd Sa-  
turnus im 12. der Trübsaln vnd Anfechtungen / bringet groß  
trawren von wegen guter Freund absterben / vnd hindernuß  
in allem fürnemen ꝛc.

Es schreiben die Astrologi, daß der gegenscheit  $\gamma$  vns  
glücklicher oder erger sey / dann dieser Planeten zusammenfü-  
gung. Albohazen fol. 367. deteriores & maligniores signi-  
ficationes demonstrat, &c.

Was die Coniunction  $\gamma$  im Sommer bedeute / ist dro-  
ben angezeigt / nemlich vnter andern fürtrefflicher Krieges-  
leut / der hohen Häupter vnd Prälaten absterben.

Also zur zeit der Sonnen Finsternuß im Herbst / fallen aber  
mal 3. Planeten  $\gamma$  in das achte Haus / vnd  $\gamma$  im 5. trohet  
sonderlich den Kindern: Ja diese Finsternuß bedeutet für  
sich ein gemein Pestilenzisch sterben ꝛc.

Diweil wir dann zu diesen letzten zeiten / in so grosser  
Gefahr schweben / solten wir keinen Tag hinweg lassen /  
Gott den allmechtigen vmb schutz vnd schirm zubitten /  
daß er bey vns sein / wider den Türcken schützen / für Pestil-  
lenz behüten / gute Jahr vnd gesunde Früchte geben wolle.  
Weil auch Christus vns vmb solches in der vierdten Bitte  
hat bitten heissen / sollen wir nicht zweiffeln / wenn wir mit  
ernst drum bitten / Gott werde vns gnediglich erhören  
vnd geben / was wir bedörffen an Leib  
vnd Seel / Amen.

Christe tVere tVos & Papæ fVpprIme  
Vires,

PeLLe proCVL TVrCas, Christe fa-  
Veto tVIs.

Register

**Register / der Städte /**  
**Länder vnd Königreich / so vnter den**  
**zwölff Himlischen Zeichen geles**  
**gen sind.**

**♈** Vnter dem Wider sind / Teutschland / Franck-  
reich / Engelland / Klein Polen / hoch Burgund /  
Schwaben / ober Schlesien / Bodensee / Westers-  
reich / Neapolis / Florenz / Ferrar / Braunschweig /  
Vtrich / Lindaw / Crackaw.

**♉** Vnter dem Stier sind / Türckey / groß Po-  
len / weiß Keussen / Schampangen / Punterland /  
das Rieß / Schweizer / Franckreich / Lothringen /  
Schweden / Irland / Burgis in Spanien / Bono-  
nia / Mantua / Senae / zürch / Lucern / Würzburg /  
Mez / Gnisen / Posen / Leipzig / Perus / Carlstatt /  
Parma / Aewgart.

**♊** Vnter den Zwillingen sind / Egypten / Armes-  
nien / Flandern / Brabant / Wirtebergerland / ein  
Theil der Lombardey / Wertzell / Nürnberg / Ohn-  
spach / Löwen / Meinz / Bamberg / Brieg / Villach /  
Kizingen / Hassfurt / Lunden / Cordubem.

**♋** Vnter dem Krebs sind / das Königreich  
Schotten / die Graffschafft Burgund / Preussen /  
Holland / Seeland / Constantinopel / Thunis / Ver-  
**℞ iij** **nedig /**

nedig / Genua / Luca / Meyland / Vincenz / Bern /  
Trier / Lübeck / Magdenburg / Görlitz.

**♁** Unter dem Löwen sind / Welschland / vnt  
das Gebirge / Emilia / Sicilia / Böhemen / Prag /  
Ulm / Coblenz / Sabina / ein Theil der Türckey /  
Linz / Krembs / Mantua / Rauenna / Rom.

**♁** Unter der Jungfrauen sind / Griechenland /  
Africa / Kerndten / Krabaten / Babel / ein Theil  
am Rhein / Corinthē / nider Schlessen / Etschland /  
Kintaw / Rhodis / Kaney / Nauern / Jerusalem /  
Paphia / Paris / Leon / Lugdun / Tolosen / Rühm /  
Brundus / Segnia / Basel / Erfurdt / Breslaw /  
Heydelberg.

**♁** Unter der Wag sind / Oesterreich / Elsaß /  
Eysland / Saphoy / Delphinat / Straßburg / Wien  
inn Oesterreich / Franckfurt am Mayn / Speyer /  
Schwebischen Hall / Heylbrunn / Wimpffen / Mos-  
bach / Feldkirch / Lisabon.

**♁** Unter dem Scorpion sind / Nortwegen /  
Westschweden / Cathalonien / obern Bayern / Mo-  
kayer / Padua / Orbin / Brixen / München / Eyck-  
stadt / Wien inn der Proving / Valenz in Hispa-  
nien / Danzig.

**♁** Unter dem Schützen sind / Hispanien / Un-  
gern / Mehrern / Wenden / Volaterra / Mutina /  
Meisnerland / Cölen am Rhein / Ofen / Stuttgar-  
ten /



ten / Kottenburg an der Tauber / Jüdenburg / Cas  
scha / Narbona / Avenion / Tollet in Spanien.

**A** Vnter dem Steinbock sind / Bosnia / Bul  
garia / die Masaw / Lithaw / Sachsen / Hessen /  
Türingen / Steyermarck / die alte Marck / Gölch /  
Cleue / Bergen / Gend / Mechel / Augspurg / Brans  
denburg / Cosnitz / Grenitz / Wilde in Litthawen.

**A** Vnter dem Wasserman sind / Moscau /  
Denemarc / Kotkussen / Sud Schweden / Was  
lachey / Tartarey / Westphalen / vnd was zwischen  
der Nase vnd Mosel ligt / Hamburg / Bremen /  
Salzburg / Trient / Ingolstadt / ein theil Bayer  
land / Monferrat.

**A** Vnter den Fischen sind / Portugallia / Nor  
mandia / Calabria / Westreicher oder Barthia  
ner / Compostell / Regenspurg / Wormbs / S. Jac  
cob / Hispalia / Alexandria / Pareng.

Der erste Quadrangel / **A B C D**. Der ander  
Quadrangel **E F G H**. Der dritte  
Quadrangel / **I K L M**.

Gedruckt zu Nürnberg / durch  
Valentin Fuhrmann.



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.


Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



VD16  
PV  
X





2  
Prognosticon Astrologicum, oder Teutsche Practick

Auff das Jar / nach vnser  
Herrn vnd Seligmachers Jesu Christi Geburt  
M. D. XCV. Nach Erschaffung der Welt 5557. Auf der  
Planeten Lauff vnd Finsternissen / mit sonderm fleiß / doch auff das  
kürzt beschrieben / vnd zu glücklichem Newen Jar dedicirt:

Dem Durchleuchtigsten  
Hochgebornen Fürsten vnd Herrn / Herrn Georg  
Fridrichen / Marggrafen zu Brandenburg / in Preussen /  
in Scedin / Pomeru / der Cassuben vnd Wenden / Auch in Schlesien / zu Jägerndorff /  
vnd ic. Herzogen / Burggrafen zu Nürnberg / vnd Fürsten zu Rügen ic.  
Meinem Gnedigsten Fürsten vnd Herrn / ic.



Durch M. Georgium Cassium Rotenburgensem, Pfartherrn  
zu Buchsberheim.  
Mit Rom: Kay: May: Freyheiten / in Feiz